

հաւատարիմ գրագիր և թարգման Տէր Դաւիթ Աւագ քահանայի գրուածոցն տեղեկանալոց էք:

Մնամք միշտ առ հաւատարիմ բարեկամսդ մեր

ի սրտէ բարերար Արքայ վրաց կախից և այլոց:

1799 ի հոկտ[եմ]բերի 23

ի մայրաքաղաքս Թիֆլիզ:—

ձեռնագրեալ Գիօրկին

Սովա հաստատեմք զվերոյգրեալ պատճենն գրոց լինել հաւատի պատճենն նախատիպ գրոցն, նոյն այս օր զգուշեղաբար բաղդատեցաւ ընդ նախագաղափարին, եղև ի Մատրաս ի Ֆարսելեան հնդիկս այս եօթներորդ օր նոյնմբերի, յամի տեառն մի հազար ութ հարիւր և մետասան:

Կնիազ Աղաբէգ Մելիք Բէգլարեան

Յարութին Թարխանի Խօջ[ա]Մինասեանց

In testimonium veritalis

Notary public

Madras

ՄՄ, Ալ. Երիցյանի արխիվ, թղթ. 156, վավ. 232, 1799 թ., 2 թերթ:

№ 5

Յովհաննէս Շահամիրյանի և Նազար Յակոբջան Շահամիրյանի նամակը Վրաստանի կառավարչին

Առ նորին գերագնացութիւն ընդհանուր կառավարիչ Վրաստանի և այլն և այլն

Հաճոյ թուեսցի ձերումդ գերազանցութեան

Հայցեմք խոնարհաբար ներել մեզ առաջի լինիլ ձերումդ գերազանցութեան, զի մեր անազան ուրեմն տեղեկացեալքս կայսերական հրատարակութեան ի ձեռն կառուարչին Վրաստանի յաղագս քաղաքին Լոռոյ, որ ի վիճակին վրաց, յորումն յայտ առնէ, զի եթէ որ յետեալ գտանիցի յանդիման առնել զանձն ի պահանջումն յիշեալ քաղաքին ի կրկին հնգեակս ամաց, սկսեալ յօրէ անտի իշխանութեան ձերոյ ի Վրաստան, այնուհետև քաղաքն այն գրաւեսցի յարքունուստ յանուն օգոստափառ կայսեր Թուսիոյ և այլն և այլն և ալլն:

Վասնորոյ և մեծի խոնարհաբար հայցեմք լսել աղաչանաց մերոց, դորս պարզել համարձակեսցուք առաջի ձերումդ գերազանցութեան, զի քաղաքն այն պատկանի իսկապես հանգուցեալ վերջնոյ իշխանին Շամիր Սուլթան կոչեցելոյ և անտի հասանէ առ մեզ՝ առ որդիս իւր և որդւոց յորդիս զայրական սեռին յաջորդութեան ի կարգին ունելով տեկոց է մինչև ցկատարած աշխարհի: Այսպէս ուրեմն հաստատեալ և կարգեալ ի պարզեի մասին արքայական շնորհիւն, որ ի ձեռն իշխանին վրաց հրամանաւ հօր իւրոյ վեհափառ թագաւորին Վրաստանի Հերակլ Երկրորդի և վերջնոյ և այլն և այլն:

Զայսմանէ ունիմք առ մեզ գործս և վկայականս զիրաւանց քաղաքին ի մերս սեպհականութեան: Եւ օրինակք գրութեանցն այնոցիկ զգտանիցին անշուշտ և այժմ իսկ ի դիւանին կառավարութեան Վրաստանի: Վասնորոյ յոյժ յարգանօք խնդրեմք ի գերազանցութեան ձերմէ յուշի ունելով զաղերս մեր հաճեսցիք ընձեռել առ մեզ զյատուկ պաշտպանութիւն ձեր սակս յիշեալ քաղաքին Լոռոյ:

Ազգն մեր ի սկզբանէ անտի վաճառականական պայմանադրութեամբ ընդ տէրութեան պայծառափայլ ազգին ձերոյ քաջապէս զփորձ առեալ զօրինատրն ապահովութեան իրաւանց իւրոց և այժմ ևս զայն պատեհ առիթ ի ձեռն ունելով կրկնէ զշնորհակալիս իւր ձերումդ գերազանցութեան և խնդրէ միանգամայն